

Naalakkersuisut kingusinnerpaamik UKA2019-imut inatsisinik atuuttunik allanngortitsinissaq pillugu siunnersuummik saqqummiussinissaat, taamaaliornikkut eqqumiitsuliornermut aningaasaateqarfimmik pilersitsinikkut eqqumiitsuliornermut aningaasaliissutinik tamanik agguaassinermi attuumassuteqannginnissamik pilersitsinissaq periarfissinneqarsinnaanissaat ilanngullugu Inatsisartuni aalajangiiffigisassatut siunnersuut.

(Inatsisartunut ilaasortaq Peter Olsen, Inuit Ataqtigiit)

Pillugu

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap

ISUMALIUTISSIISSUTAA

Siunnersuutip aappassanneerpeqarnerani tunniunneqartoq

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap suliaqarnermi kingullermi ukuninnga inuttaqarpoq:

Inatsisartunut ilaasortaq Doris J. Jensen, Siumut, siulittaasoq
Inatsisartunut ilaasortaq Mimi Karlsen, Inuit Ataqtigiit, siulittaasup tullia
Inatsisartunut ilaasortaq Laura Táunâjik, Siumut
Inatsisartunut ilaasortaq Nivi Olsen, Demokraatit
Inatsisartunut ilaasortaq Sofia Geisler, Inuit Ataqtigiit

UKA2018-imi ulloq 29. oktober 2018 siunnersuutip siullermeerlugu oqallisigineqarnerata kingorna siunnersuut Ataatsimiititaliamit misissorneqarpoq.

1. Siunnersuutip imarisaa siunertaalu

Naalakkersuisut kingusinnerpaamik UKA2019-imut inatsisinik atuuttunik allanngortitsinissaq pillugu siunnersuummik saqqummiussinissaat, taamaaliornikkut eqqumiitsuliornermut

anigaasaateqarfimmik pilersitsinikkut eqqumiitsuliornermut anigaasaliissutinik tamanik agguaassinermit attuumassuteqannginnissamik pilersitsinissat periarfissinneqarsinnaanissaat ilanngullugu siunnersuuteqartup siunnersuutikkut kissaatigaa, taamaasillugu anigaasaliissutinik agguaassinermit naalackersuinikkut pissutsit aammalu toqqaannartumik politikikkut sunnersimaneqannginnissat kissaatigineqarpoq.

2. Ilisimatitseqatigiiffiusumik ataatsimiinneq

Siunnersuummut akissuteqaatiminni, Namminersorlutik Oqartussat kulturimut tapiissutaasa allaffissornikkut ingerlanneqarnerannut atatillugu Naalackersuisut suliniutit kingulliit saqqummiuppaat. Ataatsimiititaliat taakkua allattoqarfimmit siunissami sullinneqarneri nassuiarpaat aamma agguaassinermit ataatsimiititalianik tulleriaanik aaqquissuussinermit imalimmik pilersitsinermit aallarniutigalugu alloriutigineqarsimasut Naalackersuisut nalunaajaatigaat. Suleriaaseq tamanna "immikkut ilisimasalittut" kingullertut agguaassinermit ataatsimiititalianut suleqatigiissunit innersuunneqartarpoq. Eqqumiittuliortut peqatigiiffiat – EPI – suleriaatsimi tassani qitiusumik inissisimavoq tassami Naalackersuisut eqqarsaatigimmassuk allatsitut sullissineq kattuffimmut tunniunneqassasoq. Taamaalillugu saqqummiunneqarpoq allannngortitsinissaq tamanna EPI-mit isumaqatigineqartoq tamatumunngalu peqataanissaq ujarlorlugu. Suleriaaseq tamanna ataatsimiititaliamit paasisimaneqarpoq, kisiannili isumasioqatigiinnermut EPI-mit aaqquissuunneqarlunilu ingerlanneqartumut septembarimi ingerlanneqartumi ataatsimiititaliaq imatut paasisaqqarpoq, eqqumiitsuliornermut anigaasaateqarfimmik pilersitsinissaq aamma EPI-mit tapersorsorneqartoq. Tamanna tunngavigalugu aammalu Namminersorlutik Oqartussat eqqumiitsuliornermut anigaasaateqarfissaannik oqallinnermut EPI qitiulluinnarmat, ataatsimiititaliap EPI aggersarpaa ima oqaluuserisassaqqartumik:

*"EPI'p innersuussutaa isumaalu eqqumiitsuliornikkut anigaasaateqarfimmik pilersitsinissamut kiisalu UKA2018/164-imut Naalackersuisut akissuteqaataat."*¹

Ataatsimiinneq ulloq 5. november 2018 ingerlanneqarpoq EPI'p siulittaasua anigaaserisua kiisalu allaffianni pisortaq peqataallutik.

Kattuffiup erseqqissaatai kaammattuutaalu ataatsimiititaliap sulineranut ilanngunneqarput taakkulu ataani allassimapput.

3. Siunnersiuneq

Ataatsimiititaliap siunnersuutip suliarineranut atatillugu Ilinniartitaanermit, Kultureqarnermit, Ilageeqarnermit Nunanullu Allanut Naalackersuisoq siunnersiorsimavaa.

¹ Takuuk ilanngussaq 1

Siunnersuoinissamat aggeqqusissut Naalackersuisullu oqaaseqaatai oqaasissanut najoqqutassiaa isumaliutissiisummi matumani ilanngussimavai **ilanngussaq 2 aamma 3**.

4. Ataatsimiititaliap siunnersuummi suliaqarnera

Siunnersuummut matumunnga tunngaviulluinnarpoq “Namminersorlutik Oqartussat Kulturimut Tapiissutigisartagaasa allaffissornikkut ingerlanneqarnerannut periarfissanik nassuiaasiaq” UKA 2017-imi Naalackersuisunit suliarineqartoq inatsisartunullu saqqummiunneqartoq. Nassuiaammi taassani ilaatigut inatsisit atuuttut tunngavigalugit kiisalu allaffissornermi suleriutsit arlallit nalilersoreerlugit Namminersorlutik Oqartussat aningaasaateqarfiata aningaasaataannik agguassisarnermik suleriuseq takuneqarsinnaavoq, tassunga ilanngullugu siunnersuutigineqartoq aningaasaateqarfimmik siunnersuut. Nassuiaat ataani immikkoortumi “Namminersorlutik Oqartussat Kulturimut Tapiissutigisartagaasa allaffissornikkut ingerlanneqarnerannut periarfissanik nassuiaasiaq”-mut innersuunneqassaaq.

Ataatsimiititaliap maluginiarppaa, siunnersuuteqartoq eqqumiitsuliornermut aningaasaateqarfimmik pilersitsinissamat periarfissanik siunertaqarneq, makkuninnga:

- Kultureqarnermi aningaasaliissutit atuuffinut pingaartumik kultureqarnermi aningaasaliissutit tunniunneqarnerini naalackersuinikkut akuliuttarneq mattunniarlugu
- Kultureqarnermi aningaasaliissutit atunngitsuukkat ukiup tullianut nuunneqarsinnaassasut siunissamilu atorineqarsinnaassallutik
- Namminersortut aningaasaliissutaat ilanngunneqarsinnaassasut
- Innersuussinermi suliamik ilisimasallit/ilinniarsimasut annerusumik sunniuteqartinneqassapput kiisalu eqqumiitsuliornermut aningaasaateqarfiup tunniussinerani peqataassallutik

Eqqumiitsuliornermik aningaasaateqarfimmik pilersitsinermi siunertat taaneqartut “Namminersorlutik Oqartussat Kulturimut Tapiissutigisartagaasa allaffissornikkut ingerlanneqarnerannut periarfissanik nassuiaasiaq”-mi allassimasutut toqqaannartumik pitsaaqutaasussaapput.

Naqissuserneqassaaq, siunnersuuteqartup siunnersuutikkut matumuuna Naalackersuisut inatsisip atuuttup allanngortinnissaanik pisussaaffilerniarsarigai taamaaliornikkut eqqumiitsuliornermik aningaasaateqarfik taaneqareersoq *piviusunngorsinnaaqqullugu*. Taamaasilluni piumasaqaat pineqanngilaq, siunnersuummik matumunnga akuersissuteqarnikkut kingusinnerusukkullu inatsimmik allannguinermik tassunga uiggiullugu – aningaasaateqarfimmik pilersitsisoqarluni.

4.1 Aningaasanik agguassinermi akuliuttannginnissamik kissaateqarneq

Ataatsimiititaliap paasinninnera naapertorlugu, Namminersorlutik Oqartussat eqqumiitsuliornermik aningaasaataannik agguassinermi innersuussinermilu immikkut ilisimasallit ilinniakkamillu ilisimasallit annerusumik sunniuteqarnissaat Naalackersuisut soqutigisallillu tunngaviusumik kissaatigissagaat. Taamaalilluni eqqumiitsuliortut tungaannit ernummatigalugu oqaatigineqarpoq, assersuutigalugu qinersinermut atatillugu naalackersuisut allanngorarnertat pissutaalluni kulturikkut tapiissutigineqartut tunniunneqassatillugit kinguaattoortoqartarnissaa. Tamanna eqqumiitsuliortunut ataasiakkaanut eqqumiitsuliap naammassineqarnissaanut saqqummiunneqarnissaanullu kinguneqarnerlussinnaavoq. Tamatuma kingunerisinnaavaa suliniutit tapersersortariaqartut pinngoranngitsortarnertat. Eqqumiitsuliortut ataasiakkaat atortussanik, ininik suleqatigisinnaasanillu allanik il.il. pisariaqartitsisinnaapput taamaalillutillu aningaasanik taperneqarnissamut qulakkeerisussanik pisariaqartitsisinnaallutik – assersuutigalugu Namminersorlutik Oqartussanik pissutsit tamakku tunngavigalugit kulturikkut tapiissutit Naalackersuisut ingerlatsinerannit immikkoortinneqarnissaat pisariaqalersissinnaavaat.

Naalackersuisut akissuteqaamminni ima allapput:

”Taamaattumik Naalackersuisut isumaqarput piffissami matumani inatsisunik atuuttunik allanngortitsinissamik pisariaqartitsisoqanngitsoq, suliata taamatulli siunnersuutigineqartut siunertaqartut aallartinneqareersimmata, taamaattumillu siunnersuutip itigartinneqarnissaa inassutigineqarpoq.”

Suliaq Naalackersuisut eqqaasaat tassaavoq, agguassinermi ataatsimiititalianik pilersitsinissaq. Ataatsimiititaliap naatsorsuutigaa, agguassinermi ataatsimiititaliat eqqaaneqartut “Namminersorlutik Oqartussat Kulturimut Tapiissutigisartagaasa allaffissornikkut ingerlanneqarnerannut periarfissanik nassuiaasiaq”-mi eqqaaneqareersut. Tassani agguassinermi ataatsimiititaliat suliassaasa allattorsimaneri:

”Agguassinermit ataatsimiititaliaq periarfissaavoq, suleriaasissatut aqqissuussamut ”immikkut ilisimasalinnut” assingusoq, tassa imaappoq qinnuteqaatinut piumasaqaatit naammassineqarsimaneri sullissisumit misissorneqassapput, periuuseq Nordisk Kulturfond-imut assinguvoq. Tassani Naalackersuisoq toqqaannartumik inaarutaasumik isummernernut sinniuteqassanngilaq.”²

(Ataatsimiititaliap ersarissagaa)

² Eqqumiitsuliornermik aningaasaateqarfimmut nassuiaasiami, qup. 20

4.2 Tapiissutiniq katersineq toqqorterinerlu

Erseqqissumik ataatsimiititaliap kissaatigaa kulturikkut tapiissutit kulturikkut aningaasaateqarfimmu nuunneqartannginnissaat kingusinnerusukkullu atorineqartannginnissaat – aamma ukiup naatsorsuiffiup naareerneratigut.

Kulturikkut tapiissutiniq agguasarneq Kultureqarnermut Naalakkersuisumit atuuttumit Agguasinnermut ataatsimiititaliamit peerneqartillugit, piffissap ingerlanerani kulturikkut tapiissutit tunniunneqartarneriniq kissaatigarneq aamma piffissap ingerlanerani kulturikkut tapiissutiniq toqqorterisarneq agguasinnermut ataatsimiititalianut tunniunneqarsinnaanngilaq. Taamaaliornikkut kulturikkut tapiissutit piffissakkut sukkulluunniit nunatta karsianut utertinneqarsinnaassapput.

Kulturikkut aningaasaateqarfimmik pilersitsinermi ilanngullugu periarfissaassaaq namminersortut aningaasanik tapiisnaanerat. Tamanna pillugu Naalakkersuisut “Namminersorlutik Oqartussat Kulturimut Tapiissutigisartagaasa allaffissornikkut ingerlanneqarnerannut periarfissanik nassuiaasiaq”-mi ima nalunaaruteqarput:

”Eqqumiitsuliornermut aningaasaateqarfik tapiissutiniq avataanit tunniunneqartunit tiguisinnaalissaaq, soorlu assersuutigalugu kingornussat, tunissutilluunniit, kisianni maannakkut tapersersortiniq tuniserusuttunik ilisimannngilarput. Taamaattumik aningaasaateqarfimmik pilersitsineq aningaasaliissutiniq eqqumiitsulioriaatsinut agguasassanik amerlanerusunik nassataqarnissaa qulakkeerneqanngilaq.”

Taamatut nalunaaruteqarnermi ersersitsiniarneq ataatsimiititaliamit ingasagineqarpoq tamatumunngalu atatillugu erseqqissaatigissallugu namminersortunit tunissutigineqartussat kissaatigineqartut pineqartillugit assigisaallu nunani allani eqqumiitsuliornermik aningaasaateqarfinni takornartaanngimmata. Kalaallit Nunaannut atatillugu oqaatigineqartariaqarsorinarpoq kalaallit nunaat tamatumunnga atatillugu immikkut inissisimannngimmat. Paarlattuanik illersorneqarsinnaavoq taamatut piumassuseqarnermi namminersortut tunisinissamut kajumissusaannut tamatuma kaammattuutaasinnaanera. Tamatumani aamma eqqumiitsuliornermut aningaasaateqarfimmik pilersitsinermi naatsorsuutigisariaqarmat ilisimasallit kajuminnerulernissaat eqqumiitsuliornermilu suliniutinut ilisimasalititut nalilersuisarnerup pitsaanerulernissaa – eqqumiitsuliorluni ingerlatamik nalilersuineq, assersuutigalugu suliffik namminersortoq imaluunniit inunnik ataasiakkaanik nalilersuinerut assersuunneqarsinnaanngilaq. Taamaattorli naatsorsuutigisariaqarpoq Kalaallit Nunaanni eqqumiitsuliorfimmik aningaasaateqarfimmik suliffeqarfiit tunniussaata ima isumaqassammata eqqumiitsuliorlutit ataasiakkaanut tapiissutit ikilisinneqarnerannik.

4.3 Attuumavallaarneq aamma sullissineq

Naalackersuisup siullermeerinninnermi eqqaasitsissutigaa, sullissinnermi inatsiseqartoq, taannalu sullissinnermi malittariaqartoq aamma kulturimut aningaasaliissutinik suliaqarnermi qanorluunniit katitigaasimagaluarpat inatsisit ataaniilluni. Siunnersuut manna akuersissutigineqassagaluarpat siunissamilu eqqumiitsuliornermik aningaasaateqarfik pilersinneqarluni, sullissinnermi inatsimmi piumasaqaatinut atuuttunut assingusut assersuutigalugu aningaasaateqarfimmut ilanngunneqartussaassagaluarput. Taamaasilluni Eqqumiitsuliornermik aningaasaateqarfiup ilusiliinermini attuumavallaarnermik unammilligassat akiorsinnaassavai. “Namminersorlutik Oqartussat Kulturimut Tapiissutigisartagaasa allaffissornikkut ingerlanneqarnerannut periarfissanik nassuiaasiaq”-mi taamatuttaaq eqqaaneqarpoq attuumassuteqarpallaarnermut apeqqut sinniisussanik qinersinnermi annikillisinneqarsinnaammat. Attuumassuteqarpallaarnermut ulorianartorsiorneq qanorluunniit ilusiligaagaluaruni immikkut ilisimasalinnik peqataatitsisariaqassaaq tassami Kalaallit Nunaatut angitigisumi eqqumiitsuliortut amerlassusaat killeqarmata.

Kultureqarnermut eqqumiitsuliornermullu immikkoortumi sullissinerup tamakkiisumik ilaannakortumilluunniit immikkut ilisimasalinnut suliassanngortinneqarpat pitsaqaqtaasinnaavoq qinnuteqaatit tunniunneqarsimasut ilisimasat eqqumiitsuliornermillu takunnissinnaaneq tunngavigalugit nalilersorneqartassammata. Ullumikkut nalilersuineq tamanna Kultureqarfimmut Naalackersuisoqarfimmi (aamma Naalackersuisumi) AC-fuldmægtigitut sulisup ingerlattarpaa. Taamaalillugu EPI-p ataatsimiititaliamik ataatsimeeqateqarnermini erseqqissarpaa apeqquserneqarsinnaammat AC-fuldmægtigip qanorluunniit ilinniagaqaralaruni eqqumiitsuliornermik suliniutit pitsaassusaat inuutissarsiutigalugulu eqqumiitsuliat tamaasa nalilersortarmagit³. (tamanna imminut assortuuttuusinnaavoq, aammalu eqqumiitsuliortut ingerlatsisut akuerisaasimanerat pisortatigoortuunnginnera tunngavigalugu inuussutissarsiutigalugu eqqumiitsuliornermik kulturimillu ingerlatsisutut taaneqarsinnaanani.)

4.4 Allaffissornikkut aningaasartuutit

Eqqumiitsuliornermik aningaasaateqarfimmik pilersitsisoqarnissaa naalackersuinikkut qinerneqassagaluarpat, pilersitsisoqarlunilu taamak ittumik, taamatut iliorneq assigiinngitsutigut aningaasarnikkut allaffissornikkullu sunniuteqartussaavoq. Siunnersuuteqartoq tamatumani oqaaseqarpoq aamma tamanna allaffissornikkut pisariaqarsinnaasoq – Naalackersuisulli akissuteqaamminni aamma tikkuarpaat taamattoqassasoq. Assersuutitalugu NunaFondimut aningaasartuutaasartut innersuunneqarput, tassalu a ukiumut 1.125.000 kr. Aningaasartuutigineqartarnerat. Allamik naliliinissamut

³ Naalackersuisut nittartagaanni ersippoq, inuussutissarsiutigalugu eqqumiitsuliornermut kulturilerinermullu tapiissutigisartagaat atorneqassasut. (<https://naalackersuisut.gl/kl-GL/Naalackersuisut/Naalackersuisoqarfiit/Uddannelse-Kultur-Kirke-og-Udenrigsanliggende/Kultur-og-Kirke/Kultur/Stoetteordninger>)

ataatsimiititaliaq pissutissaqarsorinngilaq, tassungali ilanngullugu erseqqissarpaat, aalajangiiffigisassatut siunnersuummik saqqummiussinermi aningaasartuutitut taakkununga aningaasaliinissamik innersuussinissamik piumasagaataangitsoq. Ataatsimiititaliap Naalakkersuisunut eqqaasitsissutigissavaa siunnersuut akuerineqassappat, allat assigalugit, tapiissutit kulturimut aningaasaliissutaasartut politikikkut pingaarnersiulluni pioreersut iluini nuussinikkut nassaarineqartariaqassasut imaluunniit pingaarnersiunermit allatut tulleriarisoeqartariaqartoq. Aappaatigulli tassunga atatillugu oqaatigisariaqarpoq eqqumiitsuliornermik aningaasaateqarfimmik pilersitsisoqassappat kultureqarnermut Naalakkersuisoeqarfiup allaffissornikkut sipaaruteqartorqarnissaa naatsorsuutigineqartariaqartoq. Naalakkersuisut erseqqissaatigaat Eqqumiitsuliornermut Aningaasaateqarfiliornissamut nalinginnaasumik nassuiaatini qup. 8, ukiumut atorineqartartut siunnersortip ukiumut suliaata affaatut aningaasaliissutit allaffissornikkut suliarinissaanut, (250.000 kr. missaannik.) naleqartut, kulturimut aningaasaliissutit qinnuteqarfigineqarnerisa suliarineqarnerinut. Eqqumiitsuliornermut Aningaasaateqarfiliorneq pilersinneqarpat, Nunatta karsia taamak amerlatigisunik sipaaruteqassaaq.

4.5 Aningaasaliissutit

Naalakkersuisut akissuteqaamminni tikkuarpaat, aningaasaateqarfiup pilersinneqarnerani aningaasaliissutinik immikkoortitsisoqartariaqartoq nalunaarusiami taaneqarsimasutut aningaasaqarnikkut kingunerisassaasa saniatigut. "aningaasaliissutit pituttugaasut" nalinginnaasumik aningaasaateqarfimmik pilersitsinermi aningaasaliissutitut inissinneqartarput, tamatumalu kingunerisaanik, aningaasaliissutit taakkua qinnuteqarsinnaasunut agguanneqarsinnaanatik. Kalaallit Nunaat pineqartillugu peqatigiiffiit aamma aningaasaateqarfiit pillugit inatsisitigut atuutsinneqarnerat pisarpoq aningaasaateqarfiit pillugit aalajangersagaq nr. 917 15. december 1998-imeersuni malittarisassat aqutigalugit. Aningaasaateqarfiilli aningaasaateqarfinnut aalajangersakkaniit nalinginnaasunut aalajangersimasunut ilai ilanngunneqarsimangillat. Eqqumiitsuliornermut Aningaasaateqarfiliornermut nalinginnaasumik nassuiaatini Naalakkersuisut oqaatigaat:

*"Peqqussut § 1 immikkoortoq 2 malillugu aningaasaateqarfiit suliffiillu imminut pigisut maleruaqqusani attuumassuteqanngitsut allatorneqassapput. Nalilerneqanngilaq eqqumiitsuliornermut aningaasaateqarfik allaanerusumik pineqarsinnaasunut ilaatinneqassasoq, Namminersorlutilli Oqartussat taamaattumik pilersitsissagaluarpata maleruaqqusat tassunga atuumassutilittut isigineqalissaaq, tassunga piumasagaatit naammassineqarsimappata."*⁴

Taaneqartumi § 1, imm. 2 i aningaasaateqarfiit pillugit aalajangersakkami ilaatigut ersippoq, aningaasaateqarfiit inatsisip peqqussutaanit pineqanngitsut:

⁴ Eqqumiitsuliornermik aningaasaateqarfimmut nassuiaasiami, qup. 11

Imm. 2. Inatsimmi pineqanngillat:

- 1) *Aningaasaateqarfii, inatsiskkut imaluunniit inatsit naapertolugu pilersitat imaluunniit Danmarkip naalagaaffiullu allap innuttaasa assiginngitsut akornanni isumaqatigiissutikkut pilersitat ammalu naalagaaffiit arlaannuut nakkutigisassangortitaasut,*

Aatsitassarsiornermi Aningaasaateqarfik pillugu inatsit Inatsisartunit akuersissutigineqarmat, inatsisissatut siunnersuutip nalinginnaasumik nassuiaataani Naalakkersuisut ima saqqummiussaqaqput:

"2.2 Kalaallit Nunaanni aningaasaateqarfii pillugit inatsisinut tunngasut

Kalaallit Nunaanni aningaasaateqarfii pillugit inatsisiliornermi Kalaallit Nunaanni inuussutissarsiornermik ingerlatsisut pillugit aningaasaateqarfiisa atuutsinneqalernerannut aaqqiissutinik imaqarpoq (Aaqqiissut nr. 1212, 7. december 2004-meersoq) kiisalu aningaasaateqarfii peqatigiiffiillu ilaat pillugit inatsisip Kalaallit Nunaannut atuutsilernerani (aaqqiissut nr. 917, 15. december 1998-imeersoq). Aaqqiissutit Kalaallit Nunaanni inuussutissarsiornermik ingerlatsisut aningaasaateqarfii pillugit inatsimmik kiisalu aningaasaateqarfii peqatigiiffiillu ilaat pillugit inatsimmik atuutsitsilerput.

*Inuussutissarsiutinik ingerlatsisut aningaasaateqarfii pillugit inatsimmi § 1, imm. 4, nr. 1-imi aaqqiissutip **Kalaallit Nunaannut atuutsilernerani** kiisalu aningaasaateqarfii peqatigiiffiillu ilaat pillugit inatsisip Kalaallit Nunaannut atuutsilernerani § 1, imm. 2, nr. 1-imi aaqqiissutip inatsisini pineqartuni atorpeqarsinnaanerini killiliippu. **Taamaalilluni aningaasaateqarfii, inatsimmi pilersinneqartut imaluunniit inatsit naapertolugu pilersinneqartut, naalagaaffiit ilaannit nakkutigisassangortitaasimasut inatsisini pineqartuni ilaatinneqanngillat.***

Eqqarsaatigineqarsimavoq aaqqiissutini oqariaaseq inatsit Inatsisartut inatsisaannut aamma ilaatinneqassanersoq. Apeqqut taanna ilaatigut Erhvervs- og Selskabsstyrelsimi (Inuussutissarsiutinik Selskabinillu Nakkutilliisoqarfik) eqqartorneqarsimavoq, oqartussani pineqartunut akisussaasuusoq. Styrelsip uppersarpaa aalajangersakkani qulaani taaneqartuni oqariaaseq inatsit aamma Inatsisartut inatsisaannut atuuttoq.

Tamanna tunngavigalugu aallaaviusariaqarpoq inuussutissarsiornermi aningaasaateqarfii pillugit inatsit kiisalu aningaasaateqarfii peqatigiiffiillu ilaat pillugit inatsit Kalaallit Nunaanni Aatsitassarsiornermi Inatsimmut atatillugu atorpeqassanngitsut, aningaasaateqarfik Inatsisartut inatsisiliornerisigut pilersinneqassammat, takuuk siunnersuutip § 1-iat, imm. 1, Naalakkersuisunit

nakkutigineqartussaalluni, takuuk § 41, imm. 1. Tamannalumi siunnersuummi § 10, imm. 1-mi erseqqissumik aalajangersarneqarpoq.

Aningaasaateqarfik akileraartussaataaannigilaq, takuuk siunnersuummi § 10, imm. 3. [...]"

(Ataatsimiititaliap ersarissaataa)

Qulaani naliliineq Inuussutissarsiornermi- aamma Selskabsstyrelsip oqaaseqaataat tunngavigalugu ataatsimiititaliaq isumaqarpoq aningaasaateqarfiit pillugit peqqussummi Inatsisartut inatsisaat malillugu eqqumiitsuliornermik aningaasaateqarfimmik pilersitsineq ilaatinneqanngitsoq, taamaattoqassasorli aatsaat aalajangersarneqarpat, aningaasaateqarfiup nakkutigineqarnissaa Naalakkersuisunit akisussaaffigineqassasoq. Tassa, eqqumiitsuliornermik aningaasaateqarfik pillugu nalunaarusiami allassimasunut ataatsimiititaliaq isumaqataannigilaq. Tassalu eqqumiitsuliornermik aningaasaateqarfik, Naalakkersuisut akisussaaffiit ilaatinneqassaguni aningaasaliissutit pituttorneqarsimasut pillugit aalajangersakkanut ilaassanngilaq.

Siunnersiunermi qulaani taaneqartumi Naalakkersuisut naliliinerup taamaannera akuersaarpaat.

4.6 Eqqumiitsuliornermik aningaasaateqarfiup ataatsimut siunertaanik aalajangiineq – agguaassinermi ataatsimiititaliaq – aaqqissuussaq atuuttoq

EPI-p siunnersuuteqartullu ersarissagaat eqqumiitsuliornermik aningaasaateqarfiup siunnersuutigineqartup kingunerisassai kissaatigineqartut ataatsimut nalilersorneqarput takussutissami ataaniittumi. Kingorna oqaatigineqarpoq, taakkua kingunerisassat aaqqissuussinerup atuuttup imaluunniit agguaassinermi ataatsimiititaliat eqqortinneraat.

Ataatsimiititaliap nassuiaataa qulaanilu allaaserineqartumi aamma eqqumiitsuliornermik aningaasaateqarfik pillugu nassuiaasiaq takussutissami tunngavigineqarput.

Takussutissaq 1

”Eqqumiitsuliornermik aningaasaateqarfiup siunnersuutip siunertaata aqqissuussinerup atuuttup imaluunniit agguaassinermi ataatsimiititaliap eqquutinneraa”

| Eqqumiitsuliornermik aningaasaateqarfiup sunniutissai kissaatigineqartut | Agguaassinermi ataatsimiititaliaq | Aaqqissuussineq atuuttoq |
|--|---|--|
| Tapiissutinik agguaassinermi naalackersuinikkut attuumassuteqannginneq | Ilaannakuusumik | Naamik – agguaassinerit Naalackersuisup akuerisassavai |
| Politikkikkut pissutsit suliassamik suliaqarnermi piffissaq sunnersimaneqassanngilaq (assersuut qinersinermi) | Ilaatigut – aningaasaqarnermi inatsisip akuerineqarnissaa piumasaaqataajuassaaq. | Naamik – qinersisoqarneratigut kulturimut tapiissutit agguaanneqarneq ajorput. |
| Nunatta karsianit tapiissutit pioreersut katersorlugit | Naamik – tapiissutit atorneqanngitsut nunatta karsianut utertarput. | Naamik – tapiissutit atorneqanngitsut nunatta karsianut utertarput. |
| Namminersortut aningaasaataanik ilanngussinissamik periarfissaq | Naamik | Naamik |
| Eqqumiitsulianik ilisimasalimmit naliliineq | Ilaatigut | Naamik – qinnuteqaatinilli sullissisoq tiguisisassaaq innersuutinillu naalackersuisumut suliaqartassaaq. |

Naalackersuisut akissuteqaataani takuneqarsinnaavoq “*Agguaasinermut ataatsimiititaliaqarnermi periuseqarneq*” siunnersuutip siunertaatut isumaqartoq

Naalakkersuisut nalileraaat. Naliliineq tamanna ataatsimiititaliamit isumaqatigineqanngilaq. Taamaalilluni qulanni assersuusiornikkut ersarissumik takuneqarsinnaavoq immikkut ilisimasalinnik peqataatitsinerinnakkut ilaatigullu tapiissutinik tunniussinermi attuumassuteqannginnissamik isumaqarnej Naalakkersuisut agguaassisarnermi ataatsimiititaliamik pilersitsinermik naammassineqarsorinarpoq. Eqqumiitsuliornermik aningaasaateqarfimmik pilersitsinermi siunertarineqartut sinnerini piumasarineqartut naammassineqanngillat. Ilaatigut tamatumunnga tunngapput: ukiumi naatsorsuusiortarfimmi nunatta karsianiit aningasani ukiumut tulliuuttunut nuussinermi, namminersortunit aningaasaliissutinik ilassuteqarnermi aammalu naalakkersuinikkut sullissinermi sullissinerullu sivilissusaanik.

4.7 Eqqumiitsuliortunit siunissami allaffissornermut kissaatigineqartut

Siunnersuut manna pillugu EPI-mik ataatsimeeqateqarneranni EPI tamanna pillugu ersarissumik oqariartuuteqarpoq imatut: agguaassisarnermik ataatsimiititaliat pilersinneqarnissaannik suliniarnerup aallartinneqarsimanera EPI-mit tapersersorneqarpoq, tassami immikkut ilisimasallit siunniuteqarnerunissaannut periarfiissiisoqassamat. KISIANNI, Naalakkersuisut agguaassisarnermik ataatsimiititaliamik pilersitsinissamat suliaqarnej aallartissimasaat qanorluunniit tapersersortariaqartigigaluarpat, eqqumiitsuliornermut aningaasaateqarfup ukkatarineqarnerani naalakkersuinikkut, tapiissutissanik tulleriarisarnermi, tunniussinermi eqqumiitsuliornermut aningaasaateqarfimmi akullittusaannginnerup attatiinnarnissaa suli EPI-mit kissaatigineqarpoq kissaatigineqartuassallunilu.

4.8 Naggataarutaasumik oqaaseqaatit

Taamatut iluseqarluni siunnersuut akuersissutigineqassappat, inatsisitigut suliarineqarnissaani pissutsit tulliuuttut ilanngutequllugit ataatsimiititaliap inassutigissavai:

- Kulturikkut aningaasaliissutit, Nunatta karsianit pisut qaffasissumik pitsaassutilinnut eqqumiitsuliornermi pilersaarusanut sapinngisamik eqqumiitsuliornermik sulianut assigiinngisitaartunut atornerqartarnissaat
- Aningaasaateqarfiullu ingerlanneqarnerani Naalakkersuisut nakkutilliisinnaanerat qulakkeerneqassasoq
- Aningaasaateqarfik inanneqassasoq ukiumut nalunaarusiortarnissaanik aningaasaateqarfup aningaasaliissutai agguanneqartut pillugit sunut atornerqarnerinik nalunaajaammik imaqartumik

5. Siunnersuutip aningaasatigut kingunerisassai

Inatsisartut suleriaasianni § 33-mi allassimasut tunngavigalugit siunnersuutip piviusunngortinneqarnerani aningaasartuutit allaffissornermilu kingunissaritinneqartut siunnersuutip oqaaseqaataanut ilanngunneqassapput. siunnersuutip piviusunngortinneqarnerani

aningsaatigut kingunissaritinneqartut tamatumunnga naapertuuttumik nalunaarsorneqarsimasut ataatsimiititaliamit maluginiarneqarpoq. Siunnersuutip matuma akuersissutigineqarneratigut inatsisinik suliaqarnermut aningsaatigut kingussaritinneqartut toqqaannartumik allattorneqarsimasut siunnersuuteqartumit oqaatigineqarpoq. Tamanna ukiumut AC-fuldmægtigemik atorfeqartitsinertut naleqassaaq, tassa 500.000 kr. Allatut naliliinissamut ataatsimiititaliamit pissutissaqartinneqanngilaq.

Immikkoortoq 4 qulaani innersuutigineqassaaq siunnersuutip aningaasaqarnikkut allaffissornikkullu kingunerisassai pillugit oqaaseqaatinut.

6. Ataatsimiititaliap inassuteqaataa

Ataatsimiititaliap **isumaqatigiittup** matumuuna siunnersuut **akuerineqaqqullugu** innersuussitigaa.


Taamatut oqaaseqarluni isumaliutissiisummilu allassimasutut paasinnillutik matumuuna siunnersuut ataatsimiititaliap aappassaanniigassanngortippaa.



Doris J. Jensen
Siulittaasoq




Mimi Karlsen
Siulittaasup tullia



Nivi Olsen



Laura Táunâjik



Sofia Geisler



EPI

epi@epi.gl

Dato: 24-10-2018

J.nr.: 01.39.01.03-00207

Asasara EPI

Kultupeqarnermut, Ilinniartitaanermut, Ilisimatusarnermut Ilageeqarnernullu Ataatsimiititaliap matumuuna EPI ataatsimeeqatiginissaanik qinnuigaa sammisaq pillugu:

"EPI'p innersuussutaa isumaalu eqqumiitsuliornikkut aningaasaateqarfimmik pilersitsinissamut kiisalu UKA2018/164-imut Naalakkersuisut akissuteqaataat".

EPI piffissaqarsinnaanerluni taamatut ataatsimiinnissamut assersuutigalugu ataasinngorneq ulloq 5. november 2018 nal. 15.00-16.00? Inatsisartut ataatsimiititaliaasa ataatsimiittarfiani ataatsimiinneq pisinnaavoq.

Paasissutissanik amerlanerusunik pisariaqartitsissagussi sammisaq ataatsimiinnissarlunniit pillugit ataatsimiititaliap allattaa attavigineqarsinnaavoq, Rikke Frederiksen oqarasuaat. 346122 imaluunniit e-mail rfr@ina.gl aqcutigalugit, soorlu aamma matuma qaaqusissutip akineqarnerani mail taanna atorineqarsinnaasoq.

Kære EPI

Udvalget for Kultur, Uddannelse, Forskning og Kirke skal hermed anmode EPI om et møde med følgende tema:

"EPI's indstilling og holdning til oprettelsen af en kunstfond samt Naalakkersuisuts svarnotat til EM2018/164."

*Vil EPI kunne afsætte tid til et sådan møde f.eks. mandag den 5. november 2018 kl. 15.00-16.00?
Mødet kan afholdes i Inatsisartuts udvalgmødelokaler.*

Såfremt I måtte have brug for yderligere informationer vedrørende tema eller møde, står udvalgets sekretær, Rikke Frederiksen til rådighed på tlf. 346122 eller rfr@ina.gl, ligesom tilbagemelding på nærværende invitation kan fremsendes på denne mail.

Kultureqarnermut, Ilinniartitaanermut, Iisimatusarnermut Ilageeqarnermullu Ataatsimiititaliaq
sinnerlugut

Pva. Udvalget for Kultur, Uddannelse, Forskning og Kirke

Nivi Olsen

Siulittaasuugallartoq

Fg. formand



Ilinniartitaanermut, Kultureqarnermut,
Ilageeqarnermut Nunanullu Allanut
Naalakkersuisoq
ikin@nanoq.gl

Ulloq: 22-11-2018
J.nr.: 01.39.01.03-00207

Kultureqarnermut, Ilinniartitaanermut, Ilisimatusarnermut ilageeqarnermullu Ataatsimiititaliap matumuuna Ilinniartitaanermut, Kultureqarnermut, Ilageeqarnermut, Nunanut Allanut Naalakkersuisoq siunersiorneqarnissamut aggersarpaa tallimangorneq ulloq 23. november 2018 nal. 16.00 ataatsimiittarfik "Erling Høegh"

Matumuuna Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap siunersiuineranut aggersarpaa.

UKA2018/164-mut atatillugu ataatsimiititaliap siunersiuineranut atatillugu uku eqqartorumavai:

Aningaasanik katersineq toqqorterinerlu

Eqqumiitsuliornermik aningaasaateqarfik pinnagu piffissami matumani Naalakkersuisunit suliarineqartutut agguaassisarnermik ataatsimiititaliamik periuseq **atorneqassappat**, makku atuutissapput:

(Naalakkersuisut qinnuigineqarput naatsumik uppernarsaqqullugu **imaluunniit** taamaattoqannginneraaqqullugit)

1. Eqqumiitsuliornermi aningaasaatit ukiumit naatsorsuiffimmit ukiup tullianut kissaateqarneq tunngavigalugu atugassatut **nuunneqarsinnaangillat**.
2. Agguaassisarnermut ataatsimiititaliap aningaasanut agguaattagaanut namminersortut aningaasaataat **atorneqarsinnaangillat**.

Tapiissutit atorneqarnerannut nakkutillineq

3. Eqqumiitsuliornermut aningaasaateqarfimmik pilersitsisoqassappat aningaasat tunniunneqartut agguaanneqartarneranni inatsisit tunngavigalugit maleruagassiorneqarnissaa Naalakkersuisunit periarfissatut isigineqarpa? (soorlu sionatigut aatsitassat avatangiisillu pillugit aningaasaateqarfinni atuussimasut)

Aningaasaateqarfiit pillugit inatsisip atuunnera

Aatsitassanut aningaasaateqarfik pillugu inatsisartut inatsisaannut nalinginnaasumik nassuiaatini atuuttussatut ima allassimavoq:

”2.2 Kalaallit Nunaanni aningaasaateqarfiit pillugit inatsisinut tunngasut

Kalaallit Nunaanni aningaasaateqarfiit pillugit inatsisiliornermi Kalaallit Nunaanni inuussutissarsiornermik ingerlatsisut pillugit aningaasaateqarfiisa atuutsinneqalernerannut aaqqiissutinik imaqarpoq (Aaqqiissut nr. 1212, 7. december 2004-meersoq) kiisalu aningaasaateqarfiit peqatigiiffiillu ilaat pillugit inatsisip Kalaallit Nunaannut atuutsilernerana (aaqqiissut nr. 917, 15. december 1998-imeersoq). Aaqqiissutit Kalaallit Nunaanni inuussutissarsiornermik ingerlatsisut aningaasaateqarfii pillugit inatsimmik kiisalu aningaasaateqarfiit peqatigiiffiillu ilaat pillugit inatsimmik atuutsitsilerput.

*Inuussutissarsiutinik ingerlatsisut aningaasaateqarfii pillugit inatsimmi § 1, imm. 4, nr. 1-imi aaqqiissutip **Kalaallit Nunaannut atuutsilernerana** kiisalu aningaasaateqarfiit peqatigiiffiillu ilaat pillugit inatsisip Kalaallit Nunaannut atuutsilernerani § 1, imm. 2, nr. 1-imi aaqqiissutip inatsisini pineqartuni **atorneqarsinnaanerini killiliipput. Taamaalilluni aningaasaateqarfiit, inatsimmi pilersinneqartut imaluunniit inatsit naapertorlugu pilersinneqartut, naalagaaffiit ilaannit nakkutigisassanngortitaasimasut inatsisini pineqartuni ilaatinneqanngillat.***

*Eqqarsaatigineqarsimavoq aaqqiissutini oqariaaseq inatsit **Inatsisartut inatsisaannut aamma ilaatinneqassanersoq. Apeqqut taanna ilaatigut Erhvervs- og Selskabsstyrelsimi (Inuussutissarsiutinik Selskabinillu Nakkutilliisoqarfik) eqqartorneqarsimavoq, oqartussani pineqartunut akisussaasuusoq. Styrelsip uppernarsarpaa aalajangersakkani qulaani taaneqartuni oqariaaseq inatsit aamma Inatsisartut inatsisaannut atuuttoq.***

*Tamanna tunngavigalugu aallaaviusariaqarpoq inuussutissarsiornermi aningaasaateqarfiit pillugit inatsit kiisalu aningaasaateqarfiit peqatigiiffiillu ilaat pillugit inatsit **Kalaallit Nunaanni Aatsitassarsiornermi Inatsimmut atatillugu atorneqassanngitsut, aningaasaateqarfik Inatsisartut inatsisiliornerisigut pilersinneqassamat, takuuk siunnersuutip § 1-iat, imm. 1, Naalakkersuisunit nakkutigineqartussaalluni, takuuk § 41, imm. 1. Tamannalumi siunnersuummi § 10, imm. 1-mi erseqqissumik aalajangersarneqarpoq.***

Aningaasaateqarfik akileraartussaataitaanngilaq, takuuk siunnersuummi § 10, imm. 3. [...]”

(Ataatsimiititaliap ersarissaataa)

4. Taamatut paasinninnerup suli atuunnissaa, taamaalilluni eqqumiitsuliornermut aningaasaateqarfimmik Naalakkersuisunit nakkutigisassanngorlugu pilersitsisoqarsinnaanersoq Naalakkersuisunit uppersarneqarsinnaava? Taannalu aamma aningaasaateqarfiit pillugit inatsimmi ilaatinneqassanngila?

Siunersiuinermi naatsorsuutigineqassaaq ataatsimiititaliamit apeqquteqartoqartarnissaa.

Ataatsimiititaliap kissaatigaa apeqqutitut siuliani allassimasunut akissutit allaganngorlugit kalaallisut danskisullu siunersioqatiginnermut atatillugu tunniunneqarnissaat. Allakkiap qarasaasiakkut rife@inatsisartut.gl-umut siunersioqatigiinnerup kingunitsianngua nassiunneqarnissaa kissaatigineqarpoq. Allakkiap siunersiuinermut nassatarineqassappat ataatsimiinneq sioqqullugu ataatsimiititaliap oqalutnaanut allakkiap assilineranik tunniussisoqarsinnaappat qujanassagaluarpoq.

Kultureqarnermut, ilinniartitaanermut, ilisimatusarnermut ilageeqarnermullu ataatsimiititaliap sinnerlugu.

Inussiarnersumik inuulluaqqusillunga

Doris J. Jensen

Ataatsimiititaliap siulittaasua



Kultureqarnermut, Ilinniartitaanermut Ilisimatusarnermut Ilageeqarnermullu
Ataatsimiititaliaq

Att. Ataatsimiititaliap allattaa Rikke Frederiksen

**Qqaluinnarluni kulturimut ilinniartitaanermullu ataatsimiititaliarlu
isumasioqatigiinnermi saqqummiussinnermi najoqqutassaq**

23-11-2018
Suliaq nr. 2018 - 19442
Dok. nr. 9382056

Isumasioqatigiinnissamat matumunnga ataatsimiititaliap qaaqussisutaanut qujavunga.

Postboks 1029
3900 Nuuk

Qinnuigineqarsimavunga naatsumik uppernarsaqqullugu imaluunniit
taamaanginneraqqullugit apeqqutit tulliuuttut:

Tlf: +299 34 50 00
Email: ikiin@nanoq.gl
www.nanoq.gl

Aningaasaliissutinik nuussisinnaaneq

1. Kulturimut tunngasumik aningaasaliissutit aningaasat ukiuanniit aningaasat ukiuannut
allamut atornissaannut kissaateqarfiusumut **nuunneqarsinnaangillat**.

akissut: Aap, aningaasanut inatsimmi immikkut pineqartumut oqaasertaliussassamik
ilanngussinngikkaani nuunneqarsinnaangillat.

2. Namminersortunit aningaasaliissutit **ilaasinnaangillat** agguaassisarnermi
ataatsimiititalianit agguaanneqartussani.

akissut: Aap, immikkut malittarisassaqaqtinnagu ajornarpoq.

Tapiissutitut aningaasaliissutaasartunik nakkutilliineq

3. Naalakkersuisut periarfissatut isiginerlugu inatsisiliornikkut malittarisassiorsinnaaneq
atuinnermut aammalu nakkutilliinnermut aningaasaliissutinik eqqumiitsuliornermut
tunngatillugu aningaasaateqarfeqassagualuarpat (soorlu siusinnerusukkut
oqallisigineqartarsimasumi aatsitassanut tunngasumik aningaasaateqarfimmut aamma
avatangiisinut tunngasumik aningaasaateqarfimmut)?

akissut: Aap, taamaattoqartuuppat maleruagassaliornermi pissusissamisuusaaq
ilaatissallugu.

Aningaasaateqarfeqarnermut inatsisip atornerqarnera

4. Naalakkersuisut uppernarsarsinnaanerlugu paasinnineq pineqartoq sulii atuuttuusoq,
imaalillugu eqqumiitsuliornermut aningaasaateqarfik inatsisitigut pilersitsitaasoq
Naalakkersuisunillu nakkutigineqartoq aamma aningaasaateqarfeqarnermut inatsimmi
aalajangersakkanit aqunneqassanngitsaq?

akissut: Tamanna ilumoorpoq.

Inussiarnersumik inuulluaqqusillunga

Med venlig hilsen


Ane Lone Bagger